



((عسيرة هتافات ثوار السويدا للشهيد الضابط المنشق خلدون زين الدين)):

خلدون من أشرف وأطيب الناس يلي قابلتهم بحياتي و أكثرهم صبيرا .

قمة بالأدب والتواضع و الأخلاق.

بتذكر وقت وصل عالأردن بعد الانشقاق ،كان في ازدحام بأعداد المنشقين و الغرف قليلة .

كان هو من أول عشر ضباط من المنشقين الواصلين بنهاية عام ٢٠١١ وكنت مع صديقي ماهر ماهر خسفيي والمقدم غسان طيحل مسؤولين عن الأمور الإدارية و المعيشية هناك .

حاولنا نامنلو يومها غرفة مشتركة مع ضابط ثاني لينام فيها وما لقينا

وكنا مخصصين مكان للصلاة صغير جنب المطعم .

قلي وقتها : خيي ايلاف تاكلش همي اني بنام هون .

وفعلا حظ غراضو وشناتيه وصار ينام بصالة الصلاة و ما يترك صلاة ما يصليها معنا و أغلب وقتو صاييم .

استحمل كثير من إهانات بعض الشباب المنشقين و أنه عم يجاملنا ليتقرب منا و أنه مخبر للنظام باعتبارو من الأقليات الصامتة يلي ما شاركت بزخم بالثورة

بعدها بفترة قلي: أنا ما عاد استحمل اضل هون والناس عم تموت جوا بدني أرجع و أحمي الناس .

فعلا بعد وقت قصير جدا من انشقاغه رجع عدرعا وشكل كتيبة معظمهم من الشباب الحوارنة يلي كانوا معنا .

حتى بدرعا ما سلم من التخوين من بعض الثوار لذلك قرر يحول نشاطو للسويدا ( محافظته) و اخذ مجموعة من شباب قرى درعا و ضل يقاتل هناك حتى استشهد .

استشهداو يومها كسرلي قلبي مو لأنو خسرنا شب مثلو

كسرلي قلبي لانو أسهل شي بالدنيا تخوين الناس و الاساءة لسمعتهم .

الله يرحمو ويتقبلو .